

Meeqqanut suli atualinngitsunut perorsaanikkut inerikkiartuutasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Kapitali 1
Pingaernerusutigut aalajangersakkat

Siunertaq

§ 1. Inatsisartut inatsisaata matuma meeraq qitiutillugu, meeqqamullu angajoqqaatut oqartussaasut imaluunniit meeqqamik pilersuisuiusut suleqatigalugit, meeqqanut ataasiakkaanut suli atualinngitsunut pitsaanerpaamik ikorfartuinissaq qularnaassavaa, tassuunakkut meeqqap peqqissumik imaqluaratumillu inerikkiartornissaa qularnaarumallugu.

§ 2. Inatsisartut inatsisaat manna naapertorlugu meeqqanut ulluunerani neqeroorutit siunertaraat:

- 1) meeqqap inuttut, piginnaasatigut aamma tarnikkut timikkullu pisinnaasaanut naleqqiullugu periarfissaasa tamakkiisumik inerikkiartortinnissaat,
- 2) meeqqap inuttut pisinnaatitaaffinnik aamma tunngaviusumik kiffaanngissuseqarnissamut pisinnaatitaaffinnik tunngavinnillu, Naalagaaffiit Peqatigiit Isumaqtigiiissutaanni allassimasunik, ataqqinninneranik inerisaanissaq,
- 3) meeqqap angajoqqaaminut ataqqinninneranik, nammineq kulturikkut kinaassusianik, oqaasiinik pingaartitaanillu aamma nunami meeqqap najugaqarfiani nunamilu meeqqap kingoqqiffiani inuiattut pingaartitanut kulturinullu meeqqap nammineq kulturianit allaanerusunut ataqqinninnermik inerisaanissaq,
- 4) meeraq inuaqatigiinni kiffaanngissuseqartuni akisussaalluni inooqataanissamut piareersassallugu, paaseqatigiinneq, eqqissineq, akaareqatigiinneq, suaassutsikkut naligiissuseqarneq - inuaat, ammit qalipaataasa, naalagaaffiit upperisallu akornanni naligiissuseq anersaaralugit, aamma
- 5) meeraq periarfississallugu misigisaqarnissamut sammisaqarnissamullu - meeqqap takorluuinsinnaassusianik, pilersitsisinnaassusianik inerikkiartorneranillu kaammattueqataasunik aamma pinngortitamik ataqqinnilersissallugu.

Imm. 2. Meeqqat suli atualinngitsut akornanni perorsaanikkut suliat, Inatsisartut inatsisaat manna naapertorlugu ingerlanneqartut tamarmik, angajoqqaatut oqartussaassuseqartut imaluunniit meeqqamik pilersuisuiusut meeqqamullu attaveqaataasut suleqatigalugit pissapput. Suliaq ingerlanneqassaaq atuarfimmut ikaarsaariarlurnissaq siunertaralugu piginnaasat tunngaviusut ilikkariartornissamullu kajumissutsip inerisarlugillu tapersersornerisigut, aamma meeqqap inooqatigiissutsikkut nalinginnaasumillu pisinnaasanik pigiliussiniarnerani kaammattuillunilu inerisaanikkut.

Nassuaatit atuuffillu

§ 3. Perorsaanikkut ineriertuutaasumik ulluunerani meeqqanut neqeroorutit tassaapput neqeroorutit sammisaqartitsiviusut, meeqqanut perorsaanikkut anguniagalimmik ingerlatsiviusut, assersuutigalugu meeqqerivinni, angerlarsimaffimmi paarsisarfinni aamma angerlarsimaffimmi paarsisarfinni ataatsimoortitani ingerlanneqartut. Apeqquataanngilaq ulloq naallugu imaluunniit ullup ilaa neqeroorutaanersoq.

Imm. 2. Meeqqat suli atualinngitsut tassaapput meeqqat 0-miit 6-inut ukiullit, imaluunniit atuarfik pillugu inatsisiliorneq naapertorlugu atuartitaasussaatitaanerup aallartinnera tikillugu.

Imm. 3. Meeqqat suli atualinngitsut immikkut ittunik pisariaqartitsisut Inatsisartut inatsisaannut matumunnga ilaapput.

Qullersaasutut akisussaaffik

§ 4. Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit Naalakkersuisut qullersaasutut nakkutigissavaat.

Imm. 2. Naalakkersuisut makku isumagissavaat:

- 1) Suli atualinnginnermut tunngasut iluanni perorsaanikkut-tarnip pissusaasigut ilisimatusarneq.
- 2) Meeqqanut ulluunerani neqeroorutit nutaamik ilusillit inerisarnissaat, taakkununnga ilaallutik nunaqarfinni pissutsinut naleqqussagaasumik allaanerusumik meeqqanut ulluunerani neqerooruteqartarneq.
- 3) Perorsaasunik ilinniartitsinerit, taakkununnga ilaallutik najugaq qimannagu perorsaasunik ilinniartitsinerit.
- 4) Perorsaanelmik ilinniagallit ilinniarteqqittarnerat ingerlaqqiffiusumillu ilinniartitaanerat.
- 5) Suliamik ilinniagaqanngitsunik allagartartaarutaasinnaasunik ilinniartitsinerit.
- 6) Kisitsisitigut paassisutissanik katersinissamut sakkussanik inerisaaneq.
- 7) Meeqqat peqqissusaasa, inerikkiartornerisa atualernissamullu piareersimassusiisa misissornissaannut sakkussanik inerisaaneq.
- 8) Meeqqerivinni perorsaanikkut sulinermut tunaartarisassanik inerisaaneq.

Imm. 3. Inatsisartut inatsisaat manna naapertorlugu suliassamik isumaginissaannut pisariaqartutut isigineqartunik, Naalakkersuisut kommunalbestyrelsi paassisutisseeqqusinnaavaat, tamatumunnga ilanngullugit suliassat § 5, imm. 1-3-mi aamma § 14-imti taaneqartut. Paassisutissat assersuutigalugu tassaasinnaapput meeraaqqueriviit, meeqqeriviit angerlarsimaffimilu paarsisartut amerlassusaat, ulluunerani neqeroorutini assigiinngitsuni tamani meeqqat aalajangersimasumik ukiullit amerlassusii, meeqqamut ataatsimut kvadratmeterit annertussusaat, inersimasumut ataatsimut meeqqat amerlassusaat, sulisut ilinniagaqassusiat, misiliinerit ingerlanneqarsimasut, soorlu atualeriaannaassutsimut tunngasut, misissuinerit pillugit paassisutissat, akuerisaanermut uppermarsaatit il.il. Tamatuma saniatigut paassisutissanut ilaassinaapput atuisut ataatsimoortifiisa ataatsimiinnerinit imaqarniliat, atuisut ataatsimoortifiisa aalajangiussaannik malitseqartitsinerit, sammisaqartitsinissamik neqeroorutit allat suussusii, meeqqat sammisaqartinneqartut

amerlassusii, tamatumunnga ilanngullugit qanoq qaqugukkullu aamma kommunip aaqqissugaanera aamma meeqyanut inuusuttunullu politikkia.

§ 5. Kommunalbestyrelsip pisussaaffigaa qularnaassallugu meeqyanut suli atualinngitsunut tamanut pisariaqartunik amerlassusilinnik ulluunerani neqerooruteqarnissaq.

Imm. 2. Kommunalbestyrelsip meeqyanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai, pisortat suliamut tamatumunnga naapertuuttut suleqatigalugit. Kommunimi angerlarsimaffimmi paarsisarfitt minnerpaamik ukiumut sisamararluni nakkutilliilluni orninneqartassapput, taakkunanngalu minnerpaamik ukiumut ataasiarluni siumoortumik nalunaaqqaarani nakkutilliisoqartassalluni.

Imm. 3. Aammattaaq kommunalbestyrelsip makku pullersaaffigalugit akisussaaffigai:

- 1) Kommunimi meeqyanut inuusuttunullu politikkiliornissaq.
- 2) Ulluunerani neqeroorutit ataasiakkaat perorsaanikkut ukiumoortumik pilersaarusiornissaat, taakkualu nalilernissaat, tak. § 16, imm. 2.
- 3) Nunaqarfinni meeqyanut ulluunerani neqeroorutit illoqarfimmilu ulluunerani neqeroorutit akornanni aalajangersimasumik attaveqartarnissaq, perorsaanikkut isumassarsioqatigiittarnissaq siunertaralugu.
- 4) Perorsaanikkut-tarnip pissusiisigut siunnersuineq isumagissallugu.
- 5) Meeqyanut tamanut mappimik pilersitsillunilu imaanik nutarteriarneq, meeqqap malinnaaviginissaa siunertaralugu immikkullu pisariaqartitsilerluni iliuuseqarfigineqartariaqalissappat pilertortumik suliniuteqarnissaq tunngavissikkumallugu, soorlu meeqqap ilikkariartorneranut, inerikkiartorneranut imaluunniit inooqatigiissutsikkut ajornartorsiuteqarneranut tunngatillugu. Meeqqap mappia kingusinnerusukkut atualerluni atuarfittaavanut nuunneqassaaq, ulluuneranilu neqeroorutinit tamakkiisumik peerneqassalluni.
- 6) Meeqqap 3-nik ukioqalernerani peqqissusianik inerikkiartorneranillu 5-inillu ukioqalernerani atuernalnissamut piareersimassusianik pinngitsoorani misissuinissaq. Misissuineq ingerlanneqassaaq uuttuutit aamma malinnaanermut naliliinermullu sakkut Naalakkersuisunit inerisarneqartut tunngavigalugit.

Imm. 4. Naalakkersuisut kommunalbestyrelsip kommunimi ulluunerani neqeroorutinik tamanik nalinginnaasumik perorsaanikkullu nakkutilliinera aamma pissutsit imm. 3, nr. 2-6-imti taaneqartut pillugit malittarisassanik aalajangersaasinnaapput.

Imm. 5. Naalakkersuisut Nunatsinni Nakorsaaneq isumasioqatigalugu nappaatit tunillaassortut pinaveersaarnissaat pillugit malittarisassanik aalajangersaassapput.

Meeqqat ataasiakkaat pillugit suleqatigiinneq

§ 6. Meeqqat ataasiakkaat pillugit attaveqatigiit ataqtigisakkamik suleqatigiinnissaat qularnaarumallugu, kommunalbestyrelsit pisariaqartitsineq naapertorlugu suleqatigiinnik pilersitsissapput, ingerlatsiveqarfitt ataasiakkaat akimorlugit meeqqat ataasiakkaat pillugit toqqaannartumik suliaqartunik inuttalikkanik.

Imm. 2. Suleqatigiit susassaqarfitt akimorlugit imm. 1 naapertorlugu suleqatigiinnerminnut atatillugu attaveqaatigiittut naapeqatigiittassapput, tamatumanilu meeqqap angajoqqaatut

oqartussaasui imaluunniit pilersuisiusut peqataatillugit, meeqqanut ataasiakkaanut siusissukkut iliuuseqarnissaq siunertaralugu.

Imm. 3. Suleqatigit pillugit Naalakkersuisut malittarisassanik aalajangersaasinnaapput.

Kapitali 2

Inissamik innersuussineq

§ 7. Kommunalbestyrelsi kommunimi meeqqerivinnut angerlarsimaffimilu paarsisarfinnut inissamik innersuussisarpoq.

Imm. 2. Nalornisoqalersillugu communalbestyrelsip suliarmik immikkut ilisimasallit pisariaqartitsineq naapertorlugu peqataatissinnaavai.

§ 8. Kommunalbestyrelsip suliassaraa meeqqat 0-miit 2-nik ukiullit meeraaqquerivinnut kommunimilu angerlarsimafimmi paarsisartunut innersuunnissaat, meeqqallu 3-niik 6-inut ukiullit meeqqerivinnut kommunimilu angerlarsimaffimmi paarsisartunut innersuunnissaat.

Imm. 2. Pissutsit allakkut ajornartitsinngippata communalbestyrelsip meeqqat 2-nik ukiullit meeqqerivinnut innersuussinnaavai.

Imm. 3. Qinnuteqartut tamarmik inissaqanngippata communalbestyrelsip utaqgisut allassimaffiat pilersissavaa.

Tulleriaarinneq

§ 9. Kommunimi meeqqeriviit imaluunniit angerlarsimafimmi paarsisarfiiut inissaqalersillugit, communalbestyrelsi meeqqat utaqgisut akornanni toqqartuissaq, kommunimi meeqqerivinnut imaluunniit angerlarsimaffimmi paarsisarfinnut naapertuuttumik ukiullit akornanni, ataani tulleriaarinissamik innersuussutit malillugit.

1) Ataatsimoortut a: Meeqqat - isumaginninnermut ataatsimiitaliamit innersuunneqartut - immikkut perorsaanikkut pisariaqartitsinertik pissutsilluunniit allat meeqqap inerikkiartorneranik ulorianartorsiortitsisinnaasut pissutigalugit.

2) Ataatsimoortut b: Meeqqat meeraaqquerivinniit kommunimiluunniit angerlarsimaffimmi paarsisarfinniit meeqqerivinnut ukiutik pissutigalugit nuuttussat.

3) Ataatsimoortut c: Meeqqat suliffeqartunik imaluunniit ilinniartunik kisermaajusunik pilersuisueqartut.

4) Ataatsimoortut d: Meeqqat pilersuisuisuui tamarmik suliffeqartut imaluunniit tamarmik ilinniagaqartut.

5) Ataatsimoortut e: Meeqqat pilersuisiusup aappaa suliffeqartoq imaluunniit angajoqqaap aappaa ilinniagaqartoq.

6) Ataatsimoortut f: Meeqqat pilersuisuui allallu, tassunga ilanngullugit kisimiittut, tamarmik suliffeqanngitsut imaluunniit ilinniagaqartuunngitsut.

Imm. 2. Aappariit katinnikuunngikkaluarlutik aalajangersimasumik najugaqatigiittut, imaappoq aappariit minnerpaamik ukioq ataaseq najugaqatigiissimasut, meeraat

angajoqqaatut oqartussaasut imaluunniit meeqqamik pilersuisiusut katissimasut meeraattut isigineqassapput.

Imm. 3. Kommunalbestyrelsip utaqqisut allassimaffianniit toqqartuinermini ilutigisaanik qularnaassavaa, meeqqeriviit ataasiakkaat meerartaasa - perorsaanikkut anguniagassat pissutigalugit - ukiumikkut naammaginartumik siammaassimanissaat, nviarsiaqqat nukappiaqqallu sapinngisamik amerlaqtigiinnissaat, aamma meeqqat immikkut ittumik pisariaqartitsisut imaluunniit tapersorsorteqartut naammaginartumik siammaassimanissaat.

Imm. 4. Illoqarfigisap nunaqarfigisalluunniit iluani meeqqerivimmuit allamut aatsaat nuuttoqarsinnaavoq, tamanna meeqqap atugarissaarnissaanik peqqissusaanillu imaluunniit angallassinikkut pissutsit ajornakusoornerannik pissuteqarpat.

Kapitali 3

Meeqqeriviit
Meeqqerivinnut tamanut tunngasut

§ 10. Meeqqeriviit tassaapput suliffeqarfiiit, sulisut perorsaanikkut ilinniagallit perorsaanikkut anguniagaqartumik meeqqanik ataatsimoortunik sullissiffigisaat, avatangiiserisat meeqqat sulisullu pisariaqartitaannut naleqqussagaassallutik oqartussaasunillu naapertuuttunit akuerisaassallutik.

Imm. 2. Meeqqeriviit kommunimit ingerlataasinnaapput imaluunniit tassaasinnaallutik suliffeqarfiiit imminnut pigisut arfinilinnik amerlanernilluunniit meerartallit, kommunalbestyrelsimit ingerlatsineq pillugu isumaqtigiissuteqarfigineqarsinnaasut.

§ 11. Meeqqeriviit pilersinneqassapput 0-imiit 2-nik ukiulinnut meeraaqquerivittut, 3-miillu 6-inut ukiulinnut meeqqerivittut, 0-imiit 6-inut ukiulinnut meeqqat ukiui naapertorlugit agguassiviusumik meeqqerivittut.

Imm. 2. Meeqqeriviit meeqqanut ataatsimoortunut agguanneqassapput, meeqqerivinni meeqqat ataatsimoortut amerlanerpaamik 20-nik meerartaqarsinnaallutik, meeraaqquerivinnilu amerlanerpaamik 12-inik.

Imm. 3. Meeqqat immikkut ittunik pisariaqartitsisut inissanik §§ 1-ip 2-llu anguneqarnissaannut pisariaqartunik, kommunalbestyrelsimit imaluunniit meeqqeriviup imminut pigisup siulersuisuinit aalajangiunneqartunik tunineqassapput – meeqqeriviup inassuteqareerneratigut. Meeqqat ataasiakkaat pillugit suleqatigiinnik, tak. § 6, pilersitsisoqarsimappat suleqatigiit aalajangiinermi peqataatinneqarsinnaapput.

Meeqqeriviit illutaannut piumasagaatit

§ 12. Meeqqeriviit tamarmik communalbestyrelsimit akuerisaassapput, taakku meeqqerivik nakkutigissavaat, akuersissutikkut pisariaqartut tamarmik pigineqarnissaat qularnaassallugu, meeqqeriviup nutaap, allanngortitap allineqartulluunniit atulinnginnerani.

Imm. 2. Kommunalbestyrelsip nakkutigissavaa meeqqueriviup qaqugukkulluunniit inatsisit atuuttut naapertorlugit aaqqissugaanissa.

Imm. 3. Naalakkersuisut meeqqueriviit pilersinneri pisatsorsornerilu pillugit malittarisassanik aalajangersaasinnaapput.

Meeqqueriviit akuerisaanerannut uppernarsaat

§ 13. Meeqqueriviit tamarmik communalbestyrelsip pilersitaanik akuerisaanerminnut uppernarsaateqassapput, meeqqueriviup pisortaanit ersittumut nivinngarneqartumik.

Imm. 2. Akuerisaanermut uppernarsaatip makku pillugit paasissutissat imarissavai:

- 1) Meeqqueriviup aqqa, najugaqarfia sumiiffialu.
- 2) Meeqqueriviup anguniagai meeqqanillu isiginneriaasia.
- 3) Meeqqueriviup pisortaa.
- 4) Kommunimi ataatsimiititaliaq attavigisaq imaluunnit meeqqueriviup imminut pigisup siulersuisui.
- 5) Inissat amerlassusaat.
- 6) Sulisut amerlassusaat.
- 7) Piffissat ammasarfii.
- 8) Pisortanit naapertuuttunit akuersissutit, taakkununnga ilaallutik qatserisartutut oqartussaasunit, sanaartornermut oqartussaasunit communalbestyrelsimillu akuersissutit taakkualu ullui.
- 9) Meeqqueriviup ukiumoortumik pilersaarutaata sumi pissarsiarineqarsinnaanera taassumalu inatsisitigut tunngavigisai naapertuuttut pillugit paasissutissat.

Naliliineq uppernarsaasersuinerlu

§ 14. Meeqqueriviup meeqqat ataasiakkaat inerikkiartornerat pillugu ataatsimoortumik naliliinkut naliliinerit uppernarsaasersuinerillu ingerlaavartumik isumagissavai, meeqqallu inerikkiartornera minnerpaamik ukiumut marloriarluni allaaserisassallugu.

Imm. 2. Meeqqap inerikkiartornera pillugu allaaserisat meeqqap pilersuisuui inuillu suliamik ingerlatallit naapertuuttut suleqatigalugit malitseqartinneqartassapput.

Imm. 3. Meeqqueriviit pisussaaffigalugu minnerpaamik ukiumut marloriarlutik meeqqap pilersuisuiinik oqaloqateqartassapput meeqqap inerikkiartoqqinnerani suleqatigiinnissaq siunertaralugu.

§ 15. Meeqqap suliffeqarfimmiit suliffeqarfimmut allamut nuunnerani meeqquerivimmi meeqqap qimataani sulisut meeraq pillugu paasissutissanik naapertuuttunik suliffeqarfimmut nuuffiusumut ingerlatitseqqittassapput meeqqap pisariaqartitai isumagineqaqqullugit.

Imm. 2. Naalakkersuisut imm. 1 naapertorlugu paasissutissanik naapertuuttunik ingerlatsitseqqinnej pillugu malittarisassanik aalajangersaasinnaapput.

Meeqqueriviup pisortaa

§ 16. Meeqqueriviup pisortaata perorsaanikkut allaffissornikkullu akisussaaffigaa, meeqqueriviup illersorneqarsinnaasumik malittarisassallu atuuttut naapertorlugit ingerlanneqarnissa. Meeqqueriviup pisortaata sulisunut tunngasut aamma atuisut ataatsimoorfianni aalajangiussat taakkua innersuussutaat naapertorlugit piviusunngortinneqarnissaat akisussaaffigaa.

Imm. 2. Meeqqueriviup pisortaata aammattaaq akisussaaffigaa, meeqqueriviup perorsaanikkut ukiumoortumik pilersaarusiornissa aningaasaqarnikkullu missingersersuusiornissa.

Imm. 3. Meeqquerivinni kommunip ingerlassaani aamma meeqquerivinni imminnut pigisuni kommunalbestyrelsimit ingerlatsinissaq pillugu isumaqatigiissuteqarfigineqartuni missingersersuutit suliarineqassapput communalbestyrelsip malittarisassiai naapertorlugit. Meeqquerivinni imminnut pigisuni allani missingersersuutit suliarineqassapput siulersuisut malittarisassiaat naapertorlugit.

§ 17. Meeqqueriviup pisortaata akisussaaffigaa meeqqat mappiannik pilersitsinissaq nutarteriuarnissarlu, tak. § 5, imm. 3, nr. 5, aamma meeqqat meeqquerivimmut allatseqqasut nalunaarsorsimanissaat, meeqqat aqqi, inuttut normui, angajoqqaatut oqartussaasut aamma meeqqamik pilersuisiusut aqqi, meeqqallu aninerani tamatumunnga pissutaasoq ilanngullugit. Aammattaaq meeqqat takkunneri nalunaarsorneqassapput.

Imm. 2. Meeqqueriviit kommunimit ingerlanneqartut aamma meeqqueriviit communalbestyrelsip ingerlatsinissaq pillugu isumaqatigiissuteqarfigisimasaasa meeqqat takkunnerinut nalunaarsuiffik ukiumoortumik perorsaanikkut pilersaarummik tapertaqartillugu communalbestyrelsimit nassiuttassavaat, piffissaliussap communalbestyrelsimit aalajangerneqartup iluani.

§ 18. Atorfinititsisartutut oqartussaasup meeqqueriviup pisortaa allaffissorermik suliaqanngitsoortissinnaavaat, tak. §§ 16 aamma 17, meeqqueriviup aaqqissugaanerata ilusaata aamma meeqquerivimmi suliassat agguannissaasa aaqqissugaanerata tamanna ajornartinngippagu, atorfinititsisartutullu oqartussaasup uppermarsisinnaappagu perorsaanikkut, allaffissornikkut pisortaqarnikkullu suliassat naammaginartumik isumagineqartut.

§ 19. Meeqqueriviup pisortaa perorsaasutut ilinniagaqartuussaaq. Taamaattoq atorfinititsisartutut oqartussaasup, atorfik perorsaasutut ilinniarsimasumik inuttalerneqarsinnaanngippat, perorsaasutut ilinniagaqarnissamik piumasaqaat sanioqqussinnaavaat, atorfimmut qinnuteqartoq, naapertuuttumik ilinniagaqarnini imaluunniit ukiuni amerlasuuni inuutissarsiummik misilittagaqarnini tunuliaqutaralugit, atorfimmut piginnaaneqartutut isigineqarpat.

Imm. 2. Meeqqueriviup pisortaa inini sulisut amerlassusissaattut alajangiussanut ilaangilaq.

Imm. 3. Meeqquerivinni kommunit ingerlassaanni meeqqueriviup pisortaa kommunalbestyrelsimit atorfinitssinneqassaaq, ataatsimiititaliamit atuisut ataatsimoorfiannit pilersinneqartumit inassuteqartoqareerneratigut, tak. § 21, imm. 2, nr. 6.

Meeqquerivinni kommunit ingerlassaanni sulisut amerlassusissaat

§ 20. Meeqqat ataatsimoortut tamarmik, tak. § 11, imm. 2, minnerpaamik sulisorissavaat perorsaasoq 1, perorsaanermik ilinniarsimasoq 1 ikiortilu 1. Sungiusarlutik sulisut tapersersortaasallu sulisut amerlassusissaannut ilaatinneqanngillat.

Imm. 2. Meeqqueriviup ammanerata nalaani tamatigut meeqqani ataatsimoortuni tamani minnerpaamik sulisut marluussapput, tamatigullu minnerpaamik perorsaasoq 1 meeqquerivimmittassalluni.

Imm. 3. Meeqquerivik pisariaqartitaminik igaffimmi eqquiaasutullu sulisoqassaaq.

Imm. 4. Imm. 1-3-mi pineqartut aallaavigalugit communalbestyrelsip meeqqueriviit ataasiakkaat sulisuisa pisortap saniatigut amerlassusissaat aalajangissavaa.

Kommunebestyrelsi minnerpaaffissatut piumasaqaat, tak. imm. 2, piviusunngortinneqarallarsinnaatinnagu piareersimanissamut pilersaarusiussaaq.

Meeqquerivinni kommunit ingerlassaanni atuisut ataatsimoorfiat

§ 21. Meeqquerivinni kommuninit ingerlanneqartuni tamani pisortap minnerpaamik ukiumut pingasoriarluni atuisut ataatsimoorfiat ataatsimiigiaqqusassavaa, taakku tassaapput meeqqamik pilersuisuiit tamarmik meeqquerivimmilu sulisut.

Imm. 2. Atuisut ataatsimoorfiata suliassarai

- 1) meeqquerivimmi sammisassanik imaluunniit suliniutinik siunnersuillunilu aaqqissuussineq - meeqqanut anguniagalimmik suliaqarnissamut aamma meeqqamik pilersuisuiusunut naleqqiullugu,
- 2) perorsaanikkut ukiumoortumik pilersaarutit suliarineranni peqataaneq,
- 3) perorsaanikkut ukiumoortumik pilersaarutit malitseqartinnerat,
- 4) pisatsersuinermut avatangiiserisallu allanngortinnissaannut tunngasunik siunnersuuteqarneq,
- 5) pissutsit meeqqat ulluinnarisaannut ersarissumik pingaaruteqartut pillugit aalajangiinerit aamma
- 6) meeqqueriviup pisortaata atorfinitssinnerani communalbestyrelsimit inassuteqartartussamik ataatsimiititalorneq. Ataatsimiititaliaq meeqquerivimmi sulisut akornannit ataatsimiinnerni taaseqataasinjaatitaanngitsumik ilaasortaqtinnejassaaq.

Imm. 3. Atuisut ataatsimoorfianni nalinginnaasumik amerlanerussuteqarneq naapertorlugu aalajangiisoqartassaaq. Kommunimi atuisut ataatsimoorfiisa ulluinnarni ingerlatsinermanni malittarisassaannik tamanut atuuttussamik communalbestyrelsi suliaqarsinnaavoq.

Imm. 4. Atuisut ataatsimoorfiat pisariaqartitsineq naapertorlugu ataatsimiititaliaagallartussanik, atuisut ataatsimoorfiannut nalunaartartussanik, pilersitsisinnaavoq.

Imm. 5. Atuisut ataatsimoorfiat ataatsimiinnerit tamaasa imaqarniliortassaaq, ataatsimiinnerup kingorna kommunalbestyrelsimit imaluunniit suliffeqarfiup imminut pigisup siulersuisuinut tunniunneqartumik.

Meeqgeriviit imminnut pigisut aqunneqarnerat

§ 22. Meeqgerivinni imminnut pigisuni siulersuisunik qullersaallutik aqutsisuusussanik pilersitsisoqassaaq.

Imm. 2. Meeqgerivinni imminnut pigisuni meeqgeriviup pisortaa siulersuisunit atorfinitssinnejassaqq. Siulersuisut sulisut allat atorfinitssinnejarneranni tunaartarisassanik aalajangersaassapput.

Kapitali 4

Angerlarsimaffimmi paarsineq

§ 23. Angerlarsimaffimmi paarsisarfik tassaavoq perorsaanikkut kaammattuiffiusumik paarsinissamik neqeroorut ullup-unnuallu ilaa angerlarsimaffimmi meeqqap angerlarsimaffiginngisaani, imaluunniit tamanit katersuuttarfimmi ingerlanneqartoq.

Imm. 2. Kommunip angerlarsimaffimmi paarsisarfia tassaavoq angerlarsimaffimmi paarsineq kommunimit pilersinneqarlunilu innersunneqartoq, angerlarsimaffimmi paarsisartoq kommunimit atorfinitssinnejarlunilu akissaateqartinneqarluni.

Imm. 3. Angerlarsimaffimmi paarsineq namminerisamik ingerlanneqartoq tassaavoq akilerneqarluni angerlarsimaffimmi paarsisarfik namminerisamik pilersinneqarlunilu ingerlanneqartoq. Namminerisamik angerlarsimaffimmi paarsisarfiit malittarisassat kommunip angerlarsimaffimmi paarsisarfiinut atuuttut maleruassavaat.

Angerlarsimaffimmi paarsisartunik angerlarsimaffinnillu paarsiffiusunik akuersineq

§ 24. Angerlarsimaffimmi paarsisartut angerlarsimaffiillu paarsiffiusut taamaallaat meeqqanik paarsaqalersinnaapput, angerlarsimaffinni paarsisunik angerlarsimaffinnillu paarsiffiusunik communalbestyrelsi allakkatigut akuersippat.

Imm. 2. Imm. 1 malillugu akuersinissamut piumasaqaataavoq angerlarsimaffimmi paarsisartoq timikkut tarnikkullu pillorissuussaaq aamma perorsaanikkut kaammattuutaasunik sammisaqtitsinernik neqeroornissaminut piginnaasaqassalluni. Angerlarsimaffimmi paarsisartup illoqatigiunnagaasalu tamarmik peqqissutsimut uppernarsaat qaammatinik pingasunik pisoqaanerunngitsoq takutissinnaassavaat.

Imm. 3. Angerlarsimaffik paarsiffissatut akuerineqarsinnaanngilaq, angerlarsimaffimmi paarsisartoq illoqataaluunniit ukiut kingullit marluk ingerlaneranni ilaqtariissutsimut tunngasuni, kinguaassiuititigut ileqqorissaarnissamut aamma inuunermut timimullu pinerluuteqarsimasutut eqqartuussaasimappata imaluunniit angerlarsimaffimmi tunillaassuuttumik nappaateqartoqarpal.

Imm. 4. Angerlarsimaffimmi paarsineq tamanit katersuuttarfimmi pippat imm. 2-mi naggatit aappaanni aamma imm. 3-mi aalajangersakkat taamaallaat paarsisartumut atuutissapput.

Imm. 5. Namminerisamik angerlarsimaffik imaluunniit tamanit katersuuttarfik meeqqanik paarsisarfissatut akuerineqartinnagu, kommunalbestyrelsip illutaasut nalileqqaassavai.

Imm. 6. Kommunalbestyrelsip nalilerpagu angerlarsimaffimmi paarsisartutut angerlarsimaffiilluunniit paarsiffiusut akuerineqarsinnaanerannut tunuliaqtaasut peeruttut, akuersineq atorunnaarsinnejassaaq.

Angerlarsimaffimmi paarsinermik innersuussineq

§ 25. Meeqqanik suli atualinngitsunik katillugit sisamanik angerlarsimaffimmi paarsiumalluni qinnuteqartoq kommunalbestyrelsimit akuerineqarsinnaavoq.

Angerlarsimaffimmi paarsiffiusumi ataatsimi nammineq meeqqat 6 inorlugit ukiullit meeqqallu paarisat tallimat qaangissanngilaat.

Imm. 2. Angerlarsimaffimmi paarsisoq amerlanernik paarisaqarsinnaavoq imaluunniit angerlarsimaffimmi paarsisartumut allamut taartaasinnaavoq piffissami killilimmi, isumaqatigissut naapertuttoq naapertorlugu.

Angerlarsimaffinni paarsisartuni kommuninit ingerlassani atuisut ataatsimoorfiat

§ 26. Angerlarsimaffimmi paarsisarfinni tamani angerlarsimaffimmi paarsisartoq minnerpaamik ukiumut pingasoriarluni atuisut ataatsimoorfianik ataatsimiigiaqqusisassaaq. Atuisut ataatsimoorfianut ilaapput meeqqamik pilersuisuiit tamarmik aamma angerlarsimaffimmi paarsisartoq. Illoqarfimmi nunaqarfimmiluunniit ataatsimi angerlarsimaffimmi paarsisartut arlaqarpata, angerlarsimaffimmi paarsisarfiit tamarmik ataatsimoorlutik atuisut ataatsimoorfianik pilersitsisinnaapput.

Imm. 2. Atuisut ataatsimoorfiaita suliassarai

- 1) angerlarsimaffimmi paarsiffimmi sammisassanik imaluunniit suliniutinik siunnersuillunilu aaqqissuussineq - meeqqanut anguniagalimmik suliaqarnissamut aamma angajoqqaatut oqartussaasunut imaluunniit meeqqamik pilersuisiusunut naleqqiullugu,
- 2) angerlarsimaffimmi paarsiffimmi pissutsit meeqqat ulluinnarisaannut ersarissumik pingaaruteqartut pillugit aalajangiinerit.

Imm. 3. Atuisut ataatsimoorfiaanni nalinginnaasumik amerlanerussuteqarneq naapertorlugu aalajangiisoqartassaaq. Kommunimi atuisut ataatsimoorfiaisa ulluinnarni ingerlatsinermanni malittarisassaannik tamanut atuuttussamik communalbestyrelsi suliaqarsinnaavoq.

Imm. 4. Atuisut ataatsimoorfiaiat pisariaqartitsineq naapertorlugu ataatsimiititaliaagallartussanik pilersitsisinnaavoq, atuisut ataatsimoorfianut nalunaartartussamik.

Kapitali 5

Sammisaqartitsinissamik neqeroorutit allat

§ 27. Kommunalbestyrelsi meeqqanut suli atualinngitsunut sammisaqartitsinissanik allanik neqerooruteqassaaq, sumiiffinni ataasiakkaani kissaatigisat pisariaqartitsinerillu tunuliaqutaralugit. Sammisqaqtitsinissamik neqeroorutinut allanut peqataanermut akileeqqusisoqassanngilaq.

Imm. 2. Sammisqaqtitsinissamik neqeroorutit allat tassaapput piffissap ilaa neqeroorutit, meeqqanut suli atualinngitsunut inersimasumik ilaqtunut saaffiginnittut, meeqqap inerikkiartorfissaasa ataatsip arlallilluunniit iluanni anguniagaqartumik sammisaqartitsinermik imaqartut.

Imm. 3. Sammisqaqtitsinissamik neqeroorutit allat pilersinnissaat aallartinnissaallu siunertalarugu ataqatigiissaarisussamik toqqaanissaq communalbestyrelsip pisussaaffigaa. Ataqatigiissaarisup sumiiffinni ataasiakkaani peqatigiiffiit, inuit isumalluutigineqarsinnaasut suliamillu ilisimasallit naapertuuttut allat suleqatigissavai.

Kapitali 6

Aalajangersakkat tamanut atuuttut

Aningaaasalersuineq

§ 28. Meeqqerivinnut, angerlarsimaffinni paarsisarfinnut aamma sammisaqartitsinissamik neqeroorutinut allanut Inatsisartut inatsisaat manna naapertorlugu ingerlanneqartunut aningaasartuutit kommuninit akilerneqassapput, taamaattoq tak. § 29.

Imm. 2. Namminersorlutik Oqartussat meeqqeriviit pilersinnerinut tapiissuteqarsinnaapput.

§ 29. Kommunalbestyrelsi kommunimi meeqqat suli atualinngitsut ulluunerani neqeroorutiniinnerinut akileeqqusisinnaavoq malittarisassat Naalakkersuisunit aalajangersarneqartut naapertorlugin, tak. imm. 3. Akiliutissaq aalajangerneqassaaq, kommunimi meeqqanut suli atualinngitsunut ulluunerani neqeroorutinut kommunip aningaasartuutai akiliisussaatitaasullu aningaasaqarnikkut atugarisai imaluunniit atugarisaat tunngavigalugit.

Imm. 2. Meeqqanut suli atualinngitsunut kommunini ulluunerani neqeroorutinik atuinermut akiliisussaatitaaneq meeqqat pilersorneqarneranik isumaginnittumiippoq. Meeraq angajoqqaami arlaanni najugaqarpat, taannalu katissimappat, nalunaarsukkamik aappaqartuuppat imaluunniit minnerpaamik ukiumik ataatsimik sivisussusilimmik katissimanermut assingusumik aalajangersimasumik inooqateqarpat, angajoqqaajusoq taassumalu aalajangersimasumik inooqataa akiliisussaatitaasutut isigineqassapput.

Imm. 3. Naalakkersuisut, tak. imm. 1 aamma 2, meeqqat meeqqanut suli atualinngitsunut kommunip ulluunerani neqeroorutaaniinnerinut akiliutissat pillugit malittarisassanik aalajangersaassapput, tamatumunnga ilanngullugit isertitanut naleqqussaanerit, akiliutissanik kinguaattoortoqartillugu meeqqamik anisitsisinnaaneq, aamma kommunimi meeqqanut

ulluunerani neqeroorutinik atorunnaarsitsineq nalunaaruteqartarnerlu pillugit aalajangersakkat.

Misileraalluni aaqqissuussinerit

§ 30. Kommunalbestyrelsip inassuteqareerneratigut, Naalakkersuisut kommunini meeqqanut suli atualinngitsunut ulluunerani neqeroorutinik misileraalluni aaqqissuussinerit akuerisinnaavaat.

Imm. 2. Kommunimi misileraalluni aaqqissuussineq sivisunerpaaamik ukiuni pingasuni atuussinnaavoq.

Imm. 3. Kommunimi misileraalluni aaqqissuussinermut atatillugu, tak. imm. 1, ukiut tamaasa nalunaarusiortoqartassaaq Naalakkersuisunut tunniunneqartussamik.

Maalaaruteqarsinnaaneq

§ 31. § 9 aamma § 24 naapertorlugit kommunalbestyrelsip aalajangiineri Inunnik Isumaginninnermi Maalaaruteqartarfimmut maalaarutigineqarsinnaapput, Inunnik isumaginninnerup aqunneqarnera aaqqissugaaneralu pillugu Inatsisartut peqqussutaanni aalajangersakkat naapertorlugit.

Imm. 2. Inatsisartut inatsisaanni matumani aalajangersakkat allat naapertorlugit kommunalbestyrelsip aalajangiineri ingerlatsinikkut oqartussanut allanut maalaarutigineqarsinnaanngillat.

Imm. 3. Inatsisartut inatsisaat manna naapertorlugu malittarisassaliat naapertorlugit kommunalbestyrelsip aalajangiineri ingerlatsinikkut oqartussanut allanut maalaarutigineqarsinnaanngillat.

Atuutilersitsineq

§ 32. Inatsisartut inatsisaat manna atuutilissaaq 1. januar 2013.

Imm. 2. Ilutigisaanik atorunnaarsinneqarpoq Meeqqanut suli atualinngitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersoq.

Imm. 3. Sunngiffimmi sammisaqartitsinerup aaqqissugaanera pillugu Inatsisartut inatsimmik atuuttuulersitsinissaasa tungaannut kommunalbestyrelsip suli pisussaaffigivaa meeqqat 7-iniik 15-inut ukiullit fritidshjemminut innersuuttarnissaat, tak. § 8, imm. 1. Kommunalbestyrelsi utaqqisunut allassimaffiliussappat meeqqat taakku ataatsimoortunut b-nut ilanngunneqassapput, tak. § 9, imm. 1, nr. 2.

Imm. 4. Inatsisartut peqqussutaat imm. 2-mi taaneqartoq naapertorlugu aalajangersakkat atuuttuulersinneqarsimasut imaluunniit suli atuutsinneqartut imaluunniit Inatsisartut inatsisaat alla tunngavigalugu taarserneqarnissamik atorunnaarsinneqarnissamilluunniit tungaanut atuutissapput.

Namminersorlutik Oqartussat, 3. december 2012.


Kuupik Kleist